

Image not found

Image not found

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > CERCAMON > EDIZIONE > Per fin'amor m'esjauzira > Edizioni

Edizioni

- letto 705 volte

Edizioni a confronto

- letto 410 volte

Rossi

I.

Per fin? Amor m'esbaudira
tant qant fai chaut ni s'esfrezis,
toz tems serai vas lei aclis,
mas non puosc saber enqera
si poirai ab joi remaner,
o·m voldra per seu retener
cella, cui mos cors dezira.

II.

Seinhors e dompnas gequiria,
si·l plagues qe eu li servis
e sivals d'aitant m'enrequis
qe dices qe ma domna era;
e del plus fos al seu plazer,
de la menzonja o del ver,
c?ab sol son dig m'enrequira.

III.

Ges tant leu no l'enquezira
s?eu sabes cant grieu s?afrankis;
c?anc res no fo no s?umelis
vas amor, mas ill n?es fera;
en domna non pot ren valer,
per riqueza ni per aver,
se jois d?amor no l'espira.

IV.

Ja de sos pes no·m partira,

si·l plagues ni m?o consentis;
e qui·mrazia m?en partis
faria·m morir des era;
q?en altra non ai mon esper,
nuoit ni jorn ni maitin ni ser,
ni d?als mos cors no consira.

V.

Entre joi remaing et ira
ades qant de leis mi partis,
q?anc pois no la vi q?ela·m dis
qe si l'ames, mi amera.
Alre no sai del sieu voler,
mas ben pot per vertat saber
q?eu morrai si ganre·m tira.

VI.

Gencer en es mon no·s mira,
guai?e blanca coma ermis,
plus fresca qe rosa ni lis:
ren als no m?en desespera.
Dieus! si poirai l?ora vezer,
qu?ieu josta leis puesca jazer!
Eu non, qar vas mi no·s vira.

VII.

Toz mos talenz m?aemplira
ma domna, sol d?un bais m?aizis,
q?en guerrejeira mos vezis,
e·n fora larcs e donera,
e·m fera grazir e temer,
e mos enemics bas chader
e tengra·l meu e·l garnira.

VIII.

E pot ben ma domna saber
qe ja nulz hom de mon poder
de meillor cor no·ill servira.

IX.

E si·m fezes tant de plazer
qe·m laisses pres de si jaser,
ja d?aquest mal non morira.

VI. qu'ieu] Qu'ieu

- letto 682 volte

Tortoreto

I.

Per fin?amor m?esbaudira
tant qant fai chaut ni s?esfrezis,
toz tems serai vas lei aclis,
mas non puosc saber enqera
si poirai ab joi remaner,
o·m voldra per seu retener
cella, cui mos cors dezira.

II.

Seinhors e dompnas gequiria,
si·l plagues qe eu li servis
e sivals d?aitant m?enrequis:
que dices qe ma domna era;
e del plus fos al seu plazer,
de la menzonja o del ver,
c?ab sol son dig m?enrequira.

III.

Ges tant leu no l?enquezira
s?eu sabes cant grieu s?afranquis;
c?anc res no fo no s?umelis
vas Amor, mas ill n?es fera;
en domna non pot pres aver
per riqueza ni per aver,
se jois d?amor no la ?spira.

IV.

Ja de sos pes no·m partira
si·l plagues ni m?o consentis,
e qui·mrazia m?en partis
faria·m morir des era,
q?en outra non ai mon esper,
nuoit ni jorn ni maitin ni ser,
ni d?als mos cors no consira.

V.

Entre joi remaing et ira
ades qant de leis mi partis,
q?anc pois no la vi q?ela·m dis
que si ames mi amera;
alre no sai del sieu voler,
mas ben pot per vertat saber
q?eu morrai s?alor s?avira.

VI.

Gencer en es mon no·s mira,
guai? e blanca coma ermis,
plus fresca qe rosa ni lis;
ren als no m?en desespera:
Dieus! si poirai l?ora veder,
qu?ieu josta leis puesca jazer!

Be n?ai dreg mas trop mi tira.

VII.

Toz mos talenz m?aemplira
ma domna, sol d?un bais m?aizis,
q?en guerrejera mos vezis,
e·n fora larcs e donera,
e·m fera grazir e temer
e mos enemics bas chader
e tengra·l meu e·l garnira.

VIII.

E pot ben ma domna saber
qe ja nulz hom de mon poder
de meillor cor no·ill servira.

IX.

E si·m fezes tant de plazer,
qe·m laisses pres de si jaser,
ja d?aquest mal non morira.

- letto 470 volte

Wolf - Rosenstein

I.

Per fin?amor m?esjauzira
tant quant fai chaut ni s?esfrezis;
toz tems serai vas lei aclis,
mas non puosc saber enqera
si poirai ab joi remaner,
o·m voldra per seu retener
cella cui mos cors dezira.

II.

Seinhors e dompnas gerpira
s'a lei plagues q'eu li servis;
e qi·m diria m?en partis
faria·m morir desera,
q?en outra non ai mon esper,
nuoit ni jorn, ni maitin ni ser,
ni d?als mos cors no consira.

III.

Ges tant leu no l?enquesira
s?eu sabes cant grieu s?afraquis;
anc res no fo no s?umelis
vas amor; mas ill n?es fera;

en domna non pot ren valer,
per riqessa ni per poder,
se joi d'amor no l'aspira.

IV.

Ja de sos pes no·m partira
s'il plagues ni m'o consentis,
o sol que d'aitant m'enrequis
que dices qe ma domna era,
e del plus fos al seu placer,
de la menzonja o del ver,
c'ab sol son diz m'enrequira.

V.

Entre joi remaing et ira
ades quant denan lei partis,
q'anc pois no la vi q'ela·m dis
qe si l'ames, mi amera;
mas eu no sai lo sieu voler;
mas ben pot ma domna saber
q'eu morrai si ganre·m tira.

VI.

Gencer en est mon no·s mira,
bell'e blancha plus c'us hermis,
plus fresca qe rosa ni lis;
ren als no m'en desespera;
hai! si poirai l'ora veder
q'eu puosca pres de llei jacer!
eu non, qar vas mi no·s vira.

VII.

Toz mos talenz m'aëmplira
ma domna, sol d'un bais m'aizis,
q'en guerrejera mos vezis,
e fora larcs, e donera,
e·m fera grazir e temer,
e mos enemics bas chader,
e tengra·l meu e·l garnira.

VIII.

E pot ben ma domna saber
que ja nulz hom de mon poder
de meillor cor no·ill servira.

IX.

E si·m fezes tant de placer
qe·m laisses pres de si jaser,
ja d'aquest mal non morira.

Source URL: <https://letteraturaeuropea.let.uniroma1.it/?q=laboratorio/edizioni-117>